


Teol. 3123

Rychtarzski Andreas: Quæst. theol. de viti-
one beatifica.



QVÆSTIO THEOLOGICA

De Visione Beatifica,

Publicè ad disputandum in Alma Academia Cracouiensi

P R O P O S I T A.

Ab Admodum Reuerendo Domino,

A N D R E A R Y C H T A R S K I

Curato Czerniechouiensi. S. Th. Licentiato,

Pro solenni in Doctorem inauguratione.

Præsidente Magnifico & Adm. Rñdo. Dño.

D. I A C O B O V I T E L L I O

S. Th. Doct. eiusdemq; Facultatis De-

cano, Canonico Cracouiẽ. Vni-

versitatis Vigilantissimo

R E C T O R E.

Anno Dñi. 1647. Mense Decembr. Die Hora

C R A C O V I Æ,

In Officina Typographica Francisci Cæsarij.



*Siccine, Te, abiecti recreat, Deus, orbita mundi?
Totus ut hoc solum intendere reris opus.
Mi potius triplex intende Charis: Minor etsi
Attamen immundus, sum magè mundus ego.*

39318

I. C.

M. F. L.

C. M.



S V M M O C Æ L I,
T E R R Æ Q V E C O N D I T O R I,
E T C O N S E R V A T O R I,
V N I
I N T R I B V S S V P P O S I T I S
E X I S T E N T I D E O,
R E G I R E G V M,
E T
D O M I N O D O M I N A N T I V M.
I N P A T R I A A B E L E C T I S
F A C I E A D F A C I E M
V I D E N D O.



*E Visione Vultus Tui Sanctissimi Diuina
Maiestas disceptatio à me proposita. Quam enim
beatitudinem mirifice appetimus, eius dulci recor-
datione, pro hoc etiam statu mortali expleri non pos-
sumus. Et quidem eius inquirenda hac est felicitas,
quod quantò frequentius per desideria quaritur,
tantò difficilius ob infinitam dulcedinem concipi-
tur. Namque si mens nostra ad intelligendas sub-
stantias separatas, habet se quasi oculus noctua ad Solis lumen, quid di-*

eam de imbecillitate intellectus nostri ad cognoscenda Myſteria Suprema Beatitudinis? Qua ita acceſſu difficilia ſunt, ut lumine ſuo limpidiſſimo omnem potentiam limitatam transcendant, omnemque humani ingenij vim languere, & debilitari faciant. Nunquid verò ſemper circa ſpeculum, & ænigma verſabimur? Id verò nequaquam, ſed dum Te in Patria ſicut es, videbimus, contemplabimur profundos arcanorum Tuorum reſeſus, ut minimus in domicilio Beatorum, omnibus mundi Doctõribus ſapientior futurus ſit. Fateor, magnum Theologum fuiſſe Eremitam incolas præcurſorem Sanctum, nihilominus tamen, minimus in Regno Calorum maior illo Viſore erat. Phanix Apoſtolici Senatus Diuus Paulus, quam magnus Doctõr Theologus? hic quo Profeſſore didicit altiſſima fidei poſtra arcana? non ille nomen dederat Scholæ Tuæ Magiſter celeſtis, non etiam recubuit in ſinu Tuo, nec etiam linguam ignitam Paracleto deſcendente excepit. Celeſtis Academia Apoſtolum licet aduenam & viatorem in tantum promouit Doctõrem, ut ab illa redux factus, dicat ſe audiuiſſe arcana, quæ non licet homini loqui. Quod cum ita ſit, omnes Uniuerſitatum Doctõres, tum primum è tenebris ad verum lumen euocabuntur, cum Auguſtiſſimum naturæ Tuæ Myſterium, ab oculis noſtris reconditum, clare intuebuntur, cum omnes ſpecies, quidditates rerum, earumque cauſas & principia videbunt, cum omnia particularia ad ſtatum ſuum pertinentia intelligent, tum illis oſtendetur omne bonum, ſeu (ſi Metaphyſicâ conuerſione uti voluerimus,) omne Ens, & conſequentèr, omne Verum. Quare, modò conuenit etiam Sapientiſſimis Doctõribus, verum laborioſis diſcurſibus quærere, obſcuras quæſtiones proponere, ex iſque Concluſiones formare, decidere: In Patria autem, donandi Aureolæ, mutabunt fortitudinem, aſſument pennas ut Aquilæ, irretortiſq; oculis Te Solem increatum intuebuntur. Quare ut hac Beatitudine mortalis homo poſt Laureas temporaneas, laureolâ in viſione Tuâ celeſti exornetur, qui permagnò ſupremum illum ſinem æſtimat, ut poſt emenſum mortalis vitæ ſtadium, præmio illo perfruatur, ſuppliciter a Te, qui es glorioſus in ſacula, humilibus expoſcit votis.

Q V Æ S T I O

De Visione Beatifica.

Vtria Principia visionis Beatificæ,
Intellectus, Lumen gloriæ, &
Deus, rectè assignantur, ita ut iis pos-
tis, intellectus Beatorum, clarè De-
um, in illoque tanquam in causa, emi-
nentèr omne Ens continente, creatu-
ras non tantum possibles, sed etiam
actuales videat, necne?

C O N C L U S I O I.

Potentia Intellectiva Beati eleuatur ad
videndam DEI essentiam, concurritq;
effectiuè ad visionem beatificam.

C O R O L L A R I A.

*I. Error est in fide asserentium DEVM ab intellectu
nostro non posse videri.*

II.

Intellectus creatus tam Angelicus, quam humanus, non potest propriis viribus elicere actum visionis beatificæ, seu videre Deum, ut est in se.

III.

Nulla creatura Intellectualis potest à Deo creari tam perfecta, cui sit connaturalis visio Dei.

IV.

A nullo intellectu creato potest Deus comprehendi, seu ita cognosci, ut cognoscibilis est.

V.

Nullus sensus eleuari potest ad cognoscendum Deum.

CONCLUSIO II.

Ad videndum intuitiuè Deum, secundum potentiam ordinariam, necessarium est lumen gloriæ.

COROLLARIA.

*I. Lumen gloriæ est donum supernaturale, habituale confortans & eleuans Intellectum beatum iuuando il-
lum*

*lum tanquàm principium actiuum immediatè concurr-
rens ad visionem Dei. II.*

*Lumen gloriæ non est species impressa, ita vt nul-
lum munus aliud habeat, quàm obiectum vnire poten-
tiæ in agendo, tanquàm illius similitudo.*

III.

*Et si de potentia ordinaria intellectus per lumen
gloriæ eleuetur ad visionem Dei, non tamen est negan-
dum, quin Deus per absolutam suam potentiam supple-
re possit habitum luminis gloriæ peculiari aliquo suo
concurso supernaturali.*

IV.

*Non est æqualis in omnibus Beatis visio Dei intui-
tiua, sed in quibusdam est perfectior, quàm in aliis.*

V.

*Inæqualitas visionum beatificarum non oritur ex
inæqualitate potentiarum intellectiuarum, sed ex inæ-
qualitate luminis gloriæ.*

C O N C L U S I O III.

D E V S concurrit ad eliciendam visio-
nem beatificam tanquàm principium illius.

COROLLARIA.

I. *Implicat contradictionem, Deum videri intuitiue, per aliquam speciem creatam obiectiuam in Qua.*

II.

Beati non vident Deum per aliquā speciem impressam, sed Diuina essentia ad visionem beatificā concurrat per se immediatè, ut res visa & ratio videndi præstans munus speciei intelligibilis.

III.

Diuina essentia videtur à Beatis per speciem expressam, seu per verbum mentis in intellectu formatū.

IV.

De facto videntes Beati Deum, vident explicitè Diuinas personas ac relationes quibus distinguuntur, vident etiam ea omnia attributa Diuina, quæ in via per fidem cognoscuntur aut ex effectibus naturalibus, vel supernaturalibus.

V.

Non omnia quæ in Deo sunt formalitèr, videntur à Beatis formalitèr, referendo hoc posterius forma-

formaliter ad verbum, videntur, seu ad actum visionis, non ad obiectum.

C O N C L U S I O IV.

Creaturæ videntur in verbo ex vi visionis Dei, ita ut ratio cognoscendi creaturas sit Diuina essentia, & concurrat ad eas vidēdas tanquàm medium cognitū Quo, eò quod formaliter cognitum sit.

C O R O L L A R I A.

I. Beati vident in verbo creaturas non tantum possibiles, sed etiam actuales existentes in aliqua differentia temporis, scilicet, præteritas, præsentēs, & futuras.

II.

Beati vident creaturas in verbo, seu in Deo, tanquam in causa eminentèr omne ens continente: possibiles quidem in solà omnipotentia formaliter. actuales autem, partim in omnipotentia, partim in voluntate. in illa secundum esse physicum, in hac secundum esse morale.

B

III.

III.

Omnes collectivè creaturas possibles videri in verbo à Beatis distinctè, & in particulari, implicat.

IV.

Non potest à Beatis Deus videri cum suis attributis, quin ab eis uideantur omnes creaturæ sub communissimo & confusissimo conceptu entis creabilis seu possibilis, & non implicantis contradictionem.

V.

Beati aliquas creaturas vident extra Verbum per revelationes particulares, & cognitiones à uisione Dei realiter distinctas, quæ visio solet etiàm dici in Verbo non formaliter, sed causaliter, scilicet, non vi visionis Verbi, sed vi status beatifici, ratione cuius, cuilibet Beato debetur, ut ei Deus reuelet ea omnia quæ ad ipsum pertinent.



Quod



Quod DEVS præparauit diligen-
tibus se, fide non capitur, spe non at-
tingitur, charitate non apprehendi-
tur, desideria & vota transgreditur;
acquiri potest, æstimari non potest.

S. August. lib. 24. de Ciu. Dei.





Sub Felicibus Auspiciis,
Magnifici & Admodum Rñdi. Dñi.
IACOBI VITELLI
Canonici Ecclesiæ Cathedr. Crac:
S.T.D. eiusq; Facult. Decani,
Vniuersit. vigilantissimi
R E C T O R I S.

Biblioteka Jagiellońska



stdr0009184

